

А мы вси молим превѣчнаго бога,  
70 да даст ти в мирѣ лѣта жити многа.

## 7

Мойсій иногда на гору високу  
возшед бѣ с творцем миру прешироку  
Бесѣдова с ним, потом же отуду  
75 повращен, лучми сияя повсюду.  
Мы твоей воли царстей послушливы  
здѣ притекохом, чаем, яко и мы  
Лучми твоя будем благодати  
возвратившеся изрядно сияти.  
Прочии дабы по нас ревновати,  
80 под твою милость всегда прибѣгати,  
Ея же ради милость ти от бога,  
молим, да дасться на лѣта премнога.

## 8

Солнце на землю не само дѣйствует,  
но и луна с ним много изводствует.  
85 Ты, царю, солнце, а луна Мария  
царица. Ея лучами Россія  
Премного свѣтла и в нуждах охладу  
во скорбѣх скору приемлет отраду.  
Ея молбами и труды по бозѣ  
90 царство и грады состоят<sup>1</sup> премнози.  
Онѣя щедрость бога преклоняет,  
да всѣм милостив и прещедр бывает.  
Тѣм же пред нею главы преклоняем,  
на многа лѣта сияти желаем.

## 9

95 Небом Россію нареци дерзаю,  
ибо планиты в онѣй обрѣтаю.  
Ты — солнце; луна — Мария царица;  
Алексій свѣтла царевичь денница,  
Его же зари пресвѣтло блистают,  
100 его бо щастем врази упадают;  
На имя его вси трепещут страхом,  
бѣжат от славы, яко уповахом,  
А щастѣ ему имать работати,  
многя страны в область подавати,

<sup>1</sup> В рукописи: со стоях